

ÁKVÖRÐUN FRAMKVÆMDASTJÓRNARINNAR

2005/EES/49/35

frá 26. mars 2003

um breytingu á ákvörðun framkvæmdastjórnarinnar 1999/391/EB frá 31. maí 1999 um spurningalista varðandi tilskipun ráðsins 96/61/EB um samþættar mengunarvarnir og eftirlit með mengun (framkvæmd tilskipunar ráðsins 91/692/EBE) (*)

(tilkynnt með númeri C(2003) 881)

(2003/241/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 96/61/EB frá 24. september 1996 um samþættar mengunarvarnir og eftirlit með mengun ⁽¹⁾, einkum 16. gr.,

með hliðsjón af tilskipun ráðsins 91/692/EBE frá 23. desember 1991 um að staðla og einfalda skýrslur um framkvæmd vissra tilskipana um umhverfismál ⁽²⁾,

og að teknu tilliti til eftirfarandi:

- 1) Í 3. mgr. 16. gr. tilskipunar 96/61/EB er þess krafist að teknar skuli saman skýrslur um framkvæmd þeirrar tilskipunar og skilvirkni hennar borin saman við aðra Bandalagsgerninga á sviði umhverfismála í samræmi við málsmeðferðina sem mælt er fyrir um í 5. og 6. gr. tilskipunar 91/692/EBE.
- 2) Í 1. mgr. 16. gr. tilskipunar 96/61/EB er kveðið á um að frá og með 2003 sé skýrslan um lýsandi gögn um fyrirliggjandi viðmiðunarmörk felld inn í almennu framkvæmdarskýrsluna.
- 3) Í 5. gr. tilskipunar 91/692/EBE er þess krafist að gerð skuli skýrsla á grundvelli spurningalista eða eyðublaðs sem framkvæmdastjórnin útbýr með aðstoð nefndarinnar, sem komið var á fót skv. 6. gr. tilskipunarinnar.
- 4) Fyrsta skýrslan tók til tímabilsins frá 2000 til 2002, að báðum árunum meðtöldum.
- 5) Önnur skýrslan tekur til tímabilsins frá 2003 til 2005, að báðum árunum meðtöldum.

- 6) Ráðstafanirnar, sem eru fyrirhugaðar með þessari ákvörðun, eru í samræmi við álit nefndarinnar sem komið var á fót skv. 6. gr. tilskipunar 91/692/EBE.

SAMÞYKKT ÁKVÖRÐUN ÞESSA:

1. gr.

Ákvörðun framkvæmdastjórnarinnar 1999/391/EB er breytt sem hér segir:

Spurningalistinn, sem fylgir þessari ákvörðun, kemur í stað spurningalistans sem fylgir ákvörðun 1999/391/EB.

2. gr.

Aðildarríkin skulu styðjast við spurningalistann við gerð skýrslunnar sem þeim ber að senda framkvæmdastjórninni skv. 5. gr. tilskipunar 91/692/EBE og 3. mgr. 16. gr. tilskipunar 96/61/EB og tekur til tímabilsins 2003 til 2005.

3. gr.

Ákvörðun þessari er beint til aðildarríkjanna.

Gjört í Brussel 26. mars 2003.

Fyrir hönd
framkvæmdastjórnarinnar,
Margot WALLSTRÖM
framkvæmdastjóri.

(*) Þessi EB-gerð birtist í Stjtið. ESB L 89, 5.4.2003, bls. 17. Hennar var getið í ákvörðun sameiginlegu EES-nefndarinnar nr. 129/2003 frá 26. september 2003 um breytingu á XX. viðauka (Umhverfismál) við EES-samninginn, sjá EES-viðbæti við Stjórnartíðindi Evrópusambandsins nr. 64, 18.12.2003, bls. 35.

⁽¹⁾ Stjtið. EB L 257, 10.10.1996, bls. 26.

⁽²⁾ Stjtið. EB L 377, 31.12.1991, bls. 48.

VIÐAUKI

SPURNINGALISTI UM FRAMKVÆMD TILSKIPUNAR 96/61/EB UM SAMÞÆTTAR
MENGUNARVARNIR OG EFTIRLIT MEÐ MENGUN

1. ALMENN LÝSING

1.1. Hverjar voru helstu breytingar á innlendra löggið og skipulagi leyfisveitinga sem þurfti að gera til að ná því heildarmarkmiði að koma á samþættum mengunarvörnum og eftirliti með mengun sem hlaust af starfseminni sem er talin upp í I. viðauka við tilskipunina?

2. STÖÐVAR OG STARFSEMI SEM TILSKIPUNIN TEKUR TIL

2.1. Tilgreina ber fyrir hvern lið í I. viðauka (1.1, 2.3(a), 6.4(b) o.s.frv.) hversu margar stöðvar falla undir neðangreinda flokka:

- allar stöðvar í rekstri, í skilningi 4. mgr. 2. gr., sem voru starfræktar í lok skýrslutímabilsins,
- stöðvar í rekstri, sem lögbæru yfirvaldi var tilkynnt um umtalsverða breytingu á og leyfi var veitt fyrir á skýrslutímabili,
- nýjar stöðvar (þ.m.t. stöðvar þar sem rekstur er enn ekki hafinn) sem leyfi var veitt fyrir á skýrslutímabilinu.

Þegar þessari spurningu er svarað skal haft í huga að sama stöð getur verið með starfsemi sem fellur undir mismunandi liði. Tilgreina skal alla viðeigandi starfsemi (jafnvel þó að það þýði að stöðin sé talin oftan en einu sinni). Þar sem fleiri en ein tegund starfsemi fer fram í mörgum efnaverksmiðjum, eins og skilgreint er í undirliðum 4. liðar, skal einungis tilgreina heildartölurnar fyrir 4. lið (þ.e. engar tölur fyrir einstaka undirliði).

Tafla 1

Flokkar starfsemi sem tilkynna skal heildarfjöldi stöðva fyrir

	Starfsemi skv. I. viðauka
1.1.	Brennslustöðvar með nafnvarmaafli sem er meira en 50 MW
1.2.	Jarðefnaolíu- og gashreinsunarstöðvar
1.3.	Koksofnar
1.4.	Iðjuver þar sem kolagösun og þétting fer fram
2.1.	Stöðvar þar sem málmgrýti (að meðtöldu brennisteinsgrýti) er hreinsað með bruna og glæðingu
2.2.	Stöðvar þar sem hrájárn eða stál er framleitt (fyrsta eða önnur bræðsla), með tilheyrandi strengjamótun, og sem hafa meiri vinnslugetu en 2,5 tonn á klukkustund
2.3(a)	Málmur, sem inniheldur járn, er unnin með heitvölsunarvélum sem hafa meiri vinnslugetu en 20 tonn á klukkustund af hrástáli
2.3(b)	Járnsmiðjur þar sem slagkraftur hvers hamars er meiri en 50 kilójúl við meira en 20 MW varma-myndun
2.3(c)	Vinnsla á málm, sem inniheldur járn, með því að gera hlífðarlag úr bræddum málm og þar sem vinnslugetan er meiri en 2 tonn af hrástáli á klukkustund
2.4.	Járn málmsteypur sem geta framleitt meira en 20 tonn á dag
2.5(a)	Stöðvar þar sem framleiðsla hrámálms, sem inniheldur ekki járn, úr grýti, kirmi eða afleiddu hráefni fer fram með málmvinnsluaðferðum, efnafæðilegum aðferðum eða rafgreiningar-aðferðum

	Starfsemi skv. I. viðauka
2.5(b)	Stöðvar þar sem bræðsla og málmblanda málma sem innihalda ekki járn, einnig endurnýtttra framleiðsluvara (hreinsun/endurbætur, steypumótun o.s.frv.) fer fram og sem geta brætt 4 tonn af blýi og kadmíumi á dag eða 20 tonn af öllum öðrum tegundum málma á dag
2.6.	Stöðvar þar sem málmar og plastefni fá yfirborðsmeðferð með rafgreiningaraðferðum eða efnafræðilegum aðferðum og rúmmál kera er meira en 30 m ³
3.1.	Stöðvar þar sem framleiðsla sementsgjalls fer fram í hverfiofnum sem geta framleitt meira en 500 tonn á dag eða kalks í hverfiofnum sem geta framleitt meira en 50 tonn á dag eða í öðrum ofnum sem geta framleitt meira en 50 tonn á dag
3.2.	Stöðvar þar sem vinnsla asbests og framleiðsla vara sem innihalda asbest fer fram
3.3.	Stöðvar þar sem framleiðsla glers, einnig glertrefja, fer fram og sem geta brætt meira en 20 tonn á dag
3.4.	Stöðvar þar sem bræðsla jarðefna, einnig steinullartrefja, fer fram og sem geta brætt meira en 20 tonn á dag
3.5.	Stöðvar þar sem framleiðsla leirvara fer fram með brennslu, einkum þakflísa, múrsteina, eldfastra múrsteina, flísa, leirmuna eða postulíns, sem geta framleitt meira en 75 tonn á dag og/eða rúmtak ofns er meira en 4 m ³ og setþéttleiki hans er meiri en 300 kg/m ³
4.	Efnaverksmiðjur sem framleiða lifræn grunnefni, ólifræn grunnefni, áburð sem inniheldur fosfór, köfnunarefni eða kalíum (einnig áburðarblöndur), grunnvörur fyrir plöntuheilbrigði og sæfiefni, sprengiefni og verksmiðjur þar sem notaðar eru efnafræðilegar og líffræðilegar aðferðir við framleiðslu grunnlyfjavana
5.1.	Stöðvar fyrir förgun eða endurnýtingu hættulegs úrgangs samkvæmt skilgreiningu í skrá sem um getur í 4. mgr. 1. gr. tilskipunar 91/689/EBE, samkvæmt skilgreiningu í II. viðauka A og B (aðgerðir R1, R5, R6, R8 og R9) við tilskipun 75/442/EBE og í tilskipun ráðsins 75/439/EBE frá 16. júní 1975 um förgun olíuúrgangs, sem geta afkastað meira en 10 tonnum á dag
5.2.	Stöðvar fyrir sorpbrennslu samkvæmt skilgreiningu í tilskipun ráðsins 89/369/EBE frá 8. júní 1989 um varnir gegn loftmengun frá nýjum sorpbrennslustöðvum sveitarfélaga og tilskipun ráðsins 89/429/EBE frá 21. júní 1989 um varnir gegn loftmengun frá starfandi sorpbrennslustöðvum sveitarfélaga sem geta afkastað meira en 3 tonnum á klukkustund
5.3.	Stöðvar fyrir förgun hættulauss úrgangs samkvæmt skilgreiningu í II. viðauka A við tilskipun 75/442/EBE í liðum D8 og D9, sem geta afkastað meira en 50 tonnum á dag
5.4.	Urðunarstaðir sem taka við meira en 10 tonnum á dag eða sem geta afkastað meira í heild en 25 000 tonnum af óvirkum úrgangi
6.1(a)	Iðjuver sem framleiða pappirsdeig úr timbri eða öðrum trefjaefnum
6.1(b)	Iðjuver sem framleiða pappír og pappa og geta framleitt meira en 20 tonn á dag
6.2.	Stöðvar þar sem fram fer formeðferð (aðgerðir eins og þvottur, bleiking, mersivinnsla) eða litun trefja eða textílefna og hafa meiri vinnslugetu en 10 tonn á dag
6.3.	Stöðvar þar sem fram fer sútun á húðum og skinum og hafa meiri vinnslugetu en 12 tonn af fullunninni vöru á dag

	Starfsemi skv. I. viðauka
6.4(a)	Sláturhús sem geta framleitt meira en 50 tonn af skrokkum á dag
6.4(b)	Meðferð og vinnsla fyrir matvælaframleiðslu úr: — hráefnum af dýrum (öðrum en mjólk) þar sem hægt er að framleiða meira en 75 tonn af fullunninni vöru á dag, — hráefnum af jurtum þar sem hægt er að framleiða meira en 300 tonn af fullunninni vöru á dag (meðaltal á hverjum ársfjórðungi)
6.4(c)	Meðferð og vinnsla mjólkur, þar sem tekið er á móti meira en 200 tonnum af mjólk á dag (meðaltal á ársgrundvelli)
6.5.	Stöðvar þar sem förgun eða endurvinnsla skrokka og úrgangs af dýrum fer fram og afkastageta er meiri en 10 tonn á dag
6.6(a)	Stöðvar þar sem fram fer þaueldi alifugla með fleiri en 40 000 stæði fyrir alifugla
6.6(b)	Stöðvar þar sem fram fer þaueldi svína með fleiri en 2 000 stæði fyrir alisvín (yfir 30 kg)
6.6(c)	Stöðvar þar sem fram fer þaueldi svína með fleiri en 750 stæði fyrir gyltur
6.7.	Stöðvar þar sem fram fer yfirborðsmeðferð efna, hluta eða afurða með lífrænum leysiefnum, einkum pressun, prentun, húðun, fituhreinsun, vatnsþétting, meðhöndlun eða þakning með límvatni, málun, hreinsun eða gegndreypping og meira en 150 kg eru notuð á klukkustund eða meira en 200 tonn á ári
6.8.	Stöðvar þar sem fram fer framleiðsla kolefna (fullbrenndra kola) eða rafgrafíts með brennslu eða umbreytingu í grafit.

2.2. **Hver er heildarfjöldi starfsstöðva, sem heyra undir tilskipunina um mengunarvarnir og eftirlit með mengun, í lok skýrslutímabilsins?**

Þegar þessari spurningu er svarað skal gæta þess að telja ekki sömu starfsstöð oftari en einu sinni, jafnvel þótt þar fari fram fleiri en ein tegund starfsemi skv. I. viðauka.

3. GRUNNSKYLDUR REKSTRARAÐILA

3.1. **Hvaða ráðstafanir hafa verið gerðar til að lögbær yfirvöld tryggja að stöðvarnar séu reknaðar í samræmi við meginreglurnar í 3. gr.?**

4. STÖÐVAR Í REKSTRÍ

4.1. **Hvaða lagalega bindandi ráðstafanir eða stjórnsýsluáætlanir hafa verið gerðar til að tryggja að kröfurnar, sem um getur í 1. mgr. 5. gr., verði uppfylltar fyrir lok aðlögunartímabilsins sem þar er getið?**

5. UMSÓKNIR UM LEYFI

5.1. **Hvernig er tryggt í landslögum að í umsóknum um leyfi sé að finna allar þær upplýsingar sem krafist er í 6. gr.?**

6. SAMRÆMING AÐFERÐA VIÐ LEYFISVEITINGU OG SKILYRÐA FYRIR HENNI

6.1. **Hvaða lögbæra yfirvald eða yfirvöld koma að leyfisveitingu til stöðva sem heyra undir tilskipunina um mengunarvarnir og eftirlit með mengun?**

6.2. **Hvernig er tryggt í landslögum að aðferðir við leyfisveitingu og skilyrði fyrir henni séu fyllilega samræmd þegar fleiri en eitt lögbært yfirvald á hlut að máli? Hvernig virkar þessi samræming í raun?**

7. SKILYRÐI FYRIR LEYFISVEITINGU

7.1. Hversu ítarleg skilyrði fyrir leyfisveitingu skulu vera

- 7.1.1. Hvernig er tryggt í landslögum að í leyfinu komi fram allar kröfur sem eru tilgreindar í 9. gr.? Einkum ber að tilgreina nákvæmlega með hvaða hætti er kveðið á um eftirtalin atriði:
- viðmiðunarmörk fyrir losun út í andrúmsloft og vatn,
 - lágmarkun víðfeðmrar mengunar eða mengunar sem fer yfir landamæri,
 - verndun jarðvegs og grunnvatns,
 - meðhöndlun úrgangs,
 - skilvirka orkunotkun,
 - kröfur um eftirlit með losun,
 - slysavarnir og hvernig draga megi úr afleiðingum slysa,
 - ráðstafanir varðandi óeðlileg rekstrarskilyrði,
 - lagfæringu svæðis þegar rekstur er stöðvaður endanlega (krafa um „viðunandi horf“),
 - sérákvæði vegna stöðva sem falla undir lið 6.6 í I. viðauka.

7.2. Hversu viðeigandi og fullnægjandi skilyrði fyrir leyfisveitingu skulu vera

- 7.2.1. Hvaða lagaákvæði, aðferðir og viðmiðanir eru forsendur ákvörðunar viðmiðunarmarkna fyrir losun og annarra skilyrða fyrir leyfisveitingu sem tryggja almennt bætt umhverfisvernd? Hafa verið gefnar út sérstakar viðmiðunarreglur fyrir lögbær yfirvöld? Ef svo er skal veita upplýsingar um af hvaða toga útgefnar viðmiðunarreglur eru.
- 7.2.2. Hvers konar leiðbeiningar (skyldubundnar eða valfrjálsar) eru til í aðildarríkjunum um ákvörðun fullkornustu tækni sem völ er á?
- 7.2.3. Hvernig er almennt tekið tillit til upplýsinganna, sem gefnar eru út af framkvæmdastjórninni, skv. 2. mgr. 16. gr., eða af alþjóðastofnunum, almennt eða í sérstökum tilvikum, þegar tekin er ákvörðun um fullkornustu tækni sem völ er á?
- 7.2.4. Hversu nýtsamlegar eru upplýsingarnar, sem framkvæmdastjórnin birtir skv. 2. mgr. 16. gr., til að ákvarða viðmiðunarmörk fyrir losun, tilsvareandi færribreytur og tæknilegar ráðstafanir sem eru byggð á fullkornustu tækni sem völ er á? Hvernig er hægt að bæta þær?
- 7.2.5. Hvaða ráðstafanir hafa verið gerðar til að tryggja að viðmiðunarmörkin fyrir losun og tilsvareandi færribreytur og tæknilegar ráðstafanir, sem um getur í 3. mgr. 9. gr., séu byggð á fullkornustu tækni sem völ er á, án þess að mælt sé fyrir um notkun tækniáðferðar eða tiltekinnar tækni og að tillit hafi verið tekið til tæknilegra eiginleika hlutaðeigandi stöðvar, landfræðilegrar staðsetningar hennar og staðbundinna umhverfisskilyrða?
- 7.2.6. Hvers konar leiðbeiningar (skyldubundnar eða valfrjálsar) eru til í aðildarríkjunum varðandi kröfur um eftirlit með losun sem skulu koma fram í leyfinu?
- 7.2.7. Hver er reynslan varðandi tengslin milli skilyrðanna vegna leyfisveitinga, samkvæmt tilskipuninni um mengunarvarnir og eftirlit með mengun, og tilskipunarinnar um að koma á fót kerfi til að eiga viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB?

Athugasemd: Þess er ekki krafist að aðildarríkin svari þessari spurningu ef kerfi Bandalagsins til að eiga viðskipti með heimildir til losunar gróðurhúsalofttegunda er ekki komið í gagn við fyrir 1. janúar 2005 eins og fyrirhugað er.

7.3. Fyrirliggjandi, lýsandi gögn.

- 7.3.1. Leggjja ber fram fyrirliggjandi, lýsandi gögn um viðmiðunarmörk fyrir einstaka flokka starfsemi í samræmi við I. viðauka og, þar sem við á, fullkornustu tækni sem völ er á og þessi mörk eru byggð á. Lýsa ber því hvernig þessi gögn voru valin og þeim safnað.

Framkvæmdastjórninni er heimilt, áður en skýrslutímabilið hefst eða meðan á því stendur, að leggja til leiðbeiningar um svör við þessari spurningu.

- 7.3.2. Hvers konar skilyrði hafa verið sett fyrir leyfisveitingu önnur en viðmiðunarmörk fyrir losun mengunarefna? Gefa ber einkum dæmi um:
- tilvarandi færíbreytur og tæknilegar ráðstafanir sem koma til viðbótar við viðmiðunarmörkin fyrir losun, sem tilgreind eru í leyfinu,
 - tilvarandi færíbreytur og tæknilegar ráðstafanir sem koma í stað viðmiðunarmarkna fyrir losun,
 - skilyrði varðandi verndun jarðvegs og grunnvatns, meðhöndlun úrgangs, skilvirka orkunotkun, kröfur um eftirlit með losun, slysavarnir og hvernig draga megi úr afleiðingum slysa, ráðstafanir varðandi óeðlileg rekstrarskilyrði og lagfæringu svæðis þegar rekstur er stöðvaður endanlega,
 - skilyrði varðandi umhverfisstjórnunarkerfi.

8. ALMENNAR SKYLDUBUNÐNAR REGLUR

- 8.1. Er í landslögum gert ráð fyrir að unnt sé að setja fram sérstakar kröfur fyrir tiltekna flokka stöðva, í almennum skyldubundnum reglum, í stað þess að fella þær inn í skilyrði fyrir einstakar leyfisveitingar?
- 8.2. Fyrir hvaða flokka stöðva hafa verið settar almennar skyldubundnar reglur? Með hvaða sniði eru þessar reglur?

9. GÆÐASTAÐLAR FYRIR UMHVERFIÐ

- 9.1. Hvernig taka landslög á þörfinni fyrir viðbótarráðstafanir þegar notkun fullkornustu tækni sem völ er á fullnægir ekki gæðastaðli fyrir umhverfið sem mælt er fyrir um eða er skilgreindur samkvæmt lögum Bandalagsins?
- 9.2. Hafa slík tilvik komið upp? Ef svo er skal gefa dæmi um viðbótarráðstafanir.

10. ÞRÓUN Á FULLKOMNUSTU TÆKNI SEM VÖL ER Á

- 10.1. Hvaða ráðstafanir hafa verið gerðar til að tryggja að lögbær yfirvöld fylgist með eða fái upplýsingar um þróun á fullkornustu tækni sem völ er á?

11. BREYTINGAR Á STÖÐVUM

- 11.1. Hvaða lagaákvæðum, aðferðum og starfsvenjum er fylgt til að bregðast við breytingum sem rekstraraðilar gera á stöðvum?
- 11.2. Hvernig ákveða lögbær yfirvöld hvort breyting á rekstri kunni að hafa áhrif á umhverfið (a-liður 10. mgr. 2. gr.) og/eða hvort slík breyting kunni að hafa umtalsverð neikvæð áhrif á menn eða á umhverfið (b-liður 10. mgr. 2. gr.)?

12. ENDURMAT OG UPPFÆRSLA SKILYRÐA FYRIR LEYFISVEITINGUM

- 12.1. Hvaða lagaákvæðum, aðferðum og starfsvenjum er fylgt við endurmat og uppfærslu á skilyrðum fyrir leyfisveitingu af hálfu hlutaðeigandi lögbærs yfirvalds?
- 12.2. Er tilgreint í landslögum hve oft skuli endurmeta og, ef þörf krefur, uppfæra skilyrði fyrir leyfisveitingu eða er það ákveðið með öðrum hætti?

13. SKILYRÐUM FYRIR LEYFISVEITINGU FULLNÆGT

- 13.1. Lýsa ber með almennum orðum hvaða lagaákvæðum, aðferðum og starfsvenjum er fylgt til að tryggja að skilyrðum vegna leyfisveitingar sé fullnægt.
- 13.2. Hvaða lagaákvæðum, aðferðum og starfsvenjum er fylgt til að tryggja að rekstraraðilar tilkynni yfirvöldum reglulega um niðurstöður eftirlits með losun og án tafar um atvik eða slys sem gæti haft umtalsverð áhrif á umhverfið?
- 13.3. Hvernig ber lögbærum yfirvöldum, samkvæmt landslögum, réttur og/eða skylda til að framkvæma skoðun á staðnum?

- 13.4. Hvaða aðferðir og starfsvenjur gilda um reglubundnar skoðanir á staðnum af hálfu lögbærra yfirvalda? Hvernig geta lögbær yfirvöld sannreynt upplýsingarnar, sem rekstraraðili lætur í té, ef ekki fara fram reglubundnar skoðanir á staðnum?
- 13.5. Til hvaða viðurlaga eða annarra ráðstafana er unnt að grípa ef skilyrðum fyrir leyfisveitingu er ekki fullnægt? Var slíkum viðurlögum eða öðrum ráðstöfunum beitt á skýrslutímabilinu? (Tilgreina ber viðeigandi tölulegar upplýsingar, ef þær eru fyrirleggjandi, með því að nota sniðmát sem gefið er upp í leiðbeiningaskjali fyrir skýrslugjöf samkvæmt tilmælunum þar sem kveðið er á um lágmarksviðmiðanir um umhverfiseftirlit í aðildarríkjunum.)

14. UPPLÝSINGAR TIL ALMENNINGS OG ÞÁTTTAKA HANS

- 14.1. Hvernig er mælt fyrir um upplýsingar til almennings og þátttöku hans í málsmeðferð við leyfisveitingar í landslögum? Hverjar voru helstu breytingar á innlendri löggjöf og skipulagi leyfisveitinga sem þurfti að gera til að uppfylla viðbótarkröfurnar sem settar voru fram með 4. gr. tilskipunar Evrópuþingsins og ráðsins þar sem kveðið er á um þátttöku almennings að því er varðar gerð skipulags- og framkvæmdaáætlana sem tengjast umhverfinu og um breytingu á tilskipunum ráðsins 85/337/EBE og 96/61/EB?

Athugasemd: Þess er ekki krafist að aðildarríkin svari þessari spurningu ef tilskipunin um þátttöku almennings tekur gildi eftir 1. júlí 2005.

- 14.2. Hvernig er séð til þess að almenningur hafi aðgang að upplýsingum um umsóknir, ákvarðanir og niðurstöður eftirlits með losun? Að hve miklu leyti er Netið notað í þessum tilgangi?
- 14.3. Hvaða ráðstafanir hafa verið gerðar til að tryggja að almenningur þekki rétt sinn til koma á framfæri athugasemdum við skjölin sem um getur í 1. mgr. 15. gr.?
- 14.4. Hversu langan tíma hefur almenningur til að koma á framfæri athugasemdum við umsóknir um leyfi áður en lögbært yfirvald tekur ákvörðun?
- 14.5. Hvernig taka yfirvöld tillit til athugasemda almennings við ákvarðanatöku sína?
- 14.6. Við hvaða aðstæður getur almenningur áfrýjað ákvörðun um leyfi til annars yfirvalds eða dómstóla?
- 14.7. Hvaða áhrif hafa takmarkanirnar, sem mælt er fyrir um í 2. og 3. mgr. 3. gr. tilskipunar 90/313/EBE, haft á aðgang að upplýsingum til almennings og þátttöku hans í málsmeðferð við leyfisveitingar?

15. SAMVINNA YFIR LANDAMÆRI

- 15.1. Er kveðið á um upplýsingar og samvinnu yfir landamæri í landslögum eða fellur þetta viðfangsefni undir tvíhliða eða marghliða samskipti milli aðildarríkjanna eða undir stjórnsýsluvenju?
- 15.2. Hvernig er í raun staðfest hvort rekstur stöðvar geti haft umtalsverð neikvæð áhrif á umhverfi annars aðildarríkis?
- 15.3. Hvernig tryggja innlend lög og/eða venjur að almenningur í aðildarríki, sem líklegt má telja að verði fyrir umtalsverðum umhverfisáhrifum, hafi fullnægjandi aðgang að upplýsingunum og geti tekið þátt í málsmeðferð við leyfisveitingar? Fylgir slíkri þátttöku áfrýjunarréttur?

16. TENGLS VIÐ AÐRA LAGAGERNINGA BANDALAGSINS

- 16.1. Hvernig meta aðildarríkin skilvirkni tilskipunarinnar, m.a. samanborið við aðra Bandalagsgærninga á sviði umhverfismála?
- 16.2. Hvaða ráðstafanir hafa verið gerðar til að tryggja að framkvæmd tilskipunarinnar sé í réttu samhengi við framkvæmd annarra Bandalagsgærninga á sviði umhverfismála?

17. ALMENNAR ATHUGASEMDIR

- 17.1. Eru sérstök atriði varðandi framkvæmd innanlands sem gefa tilefni til áhyggna? Ef svo er ber að tilgreina þau.